

Águ Kontaminadu y Riskus Asosiadu

Alterasons klimátiku sa ta aumenta riskus di txeia na Massachusetts. Inundasons di sistémas séptiku, stason di tratamentu di isgotus, kintas y enprezas pode leba águ di txeia ser kontaminadu pa prudutus kímiku y otus poluenti prigozu. Kontaktu ku es águ di txeia pode provoka duénsas gastrointestinal, infesons na péli y na odju y infesons na firidas.

Txeia pode tanbê dana rédi ilétriku, y tanbê strada y pontis ki pode leba dias ô más ténpu pa konpu. Falta di kalor, lus y inerja pa kuzinha, rifrijerson y ikipamentu médiku pode rizulta na imerjénsias médiku ô mórti. Otu riskus ta inklui firimentus ô mórti pa ditritus, fíus kaídu, afogamentu, kedas, envenenamentu pa monóksidu di karbonu (CO) y asidentis ku veikulus motorizadu.



Kenha ki sa ta kore más risku?

Alguns pesoas pode sta más en risku pamodi lugar undi ki es ta mora, asésu ki es ten a informasons di guvernu, dispunibilidadi di rikursus p-es pripara y da risposta y fatu di dja es ten problémas di saúdi. Kel-li ta inklui:

- Kriansas ku ménus di 5 anu y pesoas ku más di 65 anu
- Pesoas ki ta renda ses kaza
- Pesoas di kor pamodi rasismu sistémiku
- Pesoas ki ta fala poku ô nada di inglêš ki pode ka resebe mensázens di imerjénsia na ses língua maternu
- Pesoas grávida
- Pesoas ku difisiénsias
- Pesoas ku sistéma imunitáriu kunprumitidu
- Pesoas ki ta mora es sô ô ku mobilidadi riduzidu
- Pesoas ki meste di ilitrisidadi pa uza ikipamentu médiku ô rifrijera medikamentus
- Trabadjadoris di sirvisus públiku y di salvamentu

Kuzé ki nu pode faze?

- [Faze un planu pa tenpestadis](#)
- [Kria un kit di imerjénsia](#)



Águ Kontaminadu y Riskus Asosiadu

- [Konxe bus zona di txeia y di sobri-elevason](#)
- Ivita kontaktu ku águ di txeia y ku lama ki pode sta kontaminadu ku óliu, gazulina ô isgotu brutu
- Fika lonji di prédius danifikadu y afastadu di zonas ô stradas ku txeia
- Testa posus privadu pa diteta kontaminantis dipôs di txeias
- Konpu sistémas séptiku danifikadu
- Ka bu konduzi dentu di águ di txeia – volta pa trás